

P369/1
RUNYORO-RUTOORO
Paper 1
2026
2½ hours



UGANDA NATIONAL EXAMINATIONS BOARD

Uganda Advanced Certificate of Education

RUNYORO-RUTOORO

Orupapura rw'Okubanza
(Okuhindura, Okusoma n'Okwehangahanga)

Esaaha isatu

EBIRAAHONDERWA ABARUKUKAGUZIBWA:

Orupapura runu rucwirwemu ebicweka bibiri; A na B.

Omu kicweka A harumu ebikaguzo bibiri: 1 na 2. Garukamu byombi.

Omu kicweka B harumu ebikaguzo bibiri: 3 na 4. Garukamu ekikaguzo kimu kyonka.

Ebigarukwamu ebirukukira hali ebi oragiirwe tibirukwija kugororwa.

EKICWEKA A (Okuhindura N'okusoma)

1. *Emitalibaine nyingi ecwekereho omu kiikaro ky'owaanyu habw'akabi akaleeserwe abantu kutokooza ebisaaru n'emigera y'amaizi, ekintu ekiimukize epumpu omu beebembezi, ekitongole ky'obwomeezi ekirukujunaanizibwa n'eby'obuhangwa n'omubantu abaina obujunaanizibwa. Enduuru enu eleeteriize omukuru w'ekitongole ekirukujunaanizibwa n'eby'obuhangwa kutuma omu ha beebembezi abarukukora hamu naiwe kwegesa abantu ha kabi k'ebikorwa byabo. Baitu ekyokusaaliza, abantu tibarukumanya Orungereza oru arukukozesa kandi wasabwa kubahindurra ekihandiiko kuruga omu Rungereza kukita omu Runyoro-Rutooro. Handiika nkooku orabakoonyera.*

Tiny plastic invaders cause havoc on the environment by contaminating rivers, lakes and oceans, harming marine life and upsetting fragile ecosystems. They escalate the threat by acting as sponges that absorb toxic chemicals and germs.

The National oceanic and atmospheric administration highlights the serious harm that micro plastics do to the ecosystem and the urgency with which study and action are required to address this developing issue.

Beyond the environment, research indicates that micro plastic may accumulate in human tissues, potentially posing health risks.

The world health organization is aggressively evaluating potential health hazards and has acknowledged the growing anxiety, even if the specific consequences are still being investigated.

These worries are heightened by the discovery of micro plastic in seafood, which is common source of protein in many areas and calls for careful evaluation of our eating patterns. Despite the challenges, there is hope and we can all contribute to the solutions. The key lies in individual actions and collective efforts.

The solutions include reducing plastic use, creating lasting change, making conscious choices and prioritizing re-usable alternatives in our daily lives. This means saying no to single- use plastics like straws, bags, and actively searching for minimally packaged products.

2. *Soma ekihandiiko kinu, nukwo ogarukemu ebikaguzo*

Nookimanya ensimbi isobora kuba endugirro y'oburwaire? Sente ikwatwa abantu abatarukusisana, sente isobora kurahukya omu kurubasa oburwaire omu bantu. Nahabweki, kyomugaso hali iwe kwegendereza kurora ngu tiwatunga ebirwaire ebirukuraba omu kujanjaara kwa sente.

Sente isisana nk'oburofu, abakugu abamu nibagamba ngu kihikire kubazaaho nkooku ikozesibwa kasumi kanu. Abakugu omu by'obwomeezi nibooleka ngu sente zikara muno kuba omu kiikaro ky'okuzarramu obuhuka. Kiro kimu nkasanga omukozi arukukora ha masimu naakozesa sente omu

omulingo ogutahikire. Akaba akwasire ebyokulya naalya kunu arumu naabara sente atarukumanya nambere sente zinu zirukuraba. Kinu ekintu kyakabi muno ha bwomeezi bw'abantu. Ekiro ekindi nkarora omuvugi wa matoka sente aikwasize omunwa obu naakingura orwingi rwa motoka omukiikaro ky'okuteeka sente omu nsaho. Kinu kikanyeralikiriza muno kurora abantu tibarukumanya ngu sente zinu niiruga omu bicweka ebitali bimu na bimu.

Abantu abandi baine ebicweka bingi nambere baahura ensimbi zinu, ekyokuroraho, omu sokisi rundi omu nkaito kandi abandi nibaiteeka omu itaka. Rora nk'abo abarukukora omu kutunda enyama, ensamaaki hamu nab'omu biinazi oteeberwe nabamakanika, abasiigi b'erangi sente zaabo boona tiiziri nungi nakake habwokuba abamu nibazikwasa oburofu bwona kuruga omu biikaro ebi. Teeramu akasisani k'omuntu arukukora omu kiinazi kukwata sente ze okaziteeka omu kanwa otarukumanya kiki ekisobora kurugamu hali obwomeezi bwawe!

Abantu abaingi omu ihanga tibarukufaayo, ekyokuroraho noosanga abantu nibabara sente endofu obu naaramba ha rukumo akukozesa kubara sente ezo batarukumanya ebizibu ebisobora kurugamu. Abamu nibagenda n'omumaiso kulya ebyokulya n'ebiyokunywa n'okunaaba batanaabire omu ngaro.

N'ahandi oku nosanga abaana abamu nibazaanisa ebinusu, nibabinyuunya, abandi nibabiteeka omu kanwa. Omwana ugu obu acwayo ekinusu eki noosanga nikyera kurungi n'obundi nikyangasana. Oburofu obu bwona nibuba bugiire nkaha?Bwona nibugenda omu nda. Abakungu nibagamba ngu, noobu kiraaba ngu omunda harumu obutafaali obukutangira obuhuka bunu kuturwaza oburwaire oburukuruga ha sente, haroho endwara ezimu nk'okuturuka n'okutanaka hamu n'ensese, enjoka z'omunda, kurumwa munda hamu n'ebirwaire ebindi eby'obuhuka bwa vairasi bisobora kutatantarwa omu nyikara nk'enu. Kinu nikimanyisa ngu sente nazo buli bwikaro bw'obuhuka. Omukugu omu ow'ebiyobwomeezi akakora okuseruliza omu bicweka ebimu kandi kikooleka kwo ngu sente zinu nizijanjaaza oburwaire bunu. Obucweka nsanju hali kikumi obw'abantu omu ihanga Uganda bukooleka ngu nibarwara oburwaire oburukuruga ha kujanjaara kwa sente.

Uganda tekahikire ha rulengo rw'okukozesa obwoma bw'okuhingisaniza sente nk'amahanga agakurakuraine kandi kinu nikimanyisa ngu endwara y'okujanjaara kwa sente hamu n'ebizibu byazo byeyongiire omu ihanga linu.

Kurugirra ha bakugu b'orususu, ebirwaire ebitali bimu na bimu eby'orususu rw'omubiri ebirukuraba ha kuteerana kw'omubiri hamu na sente bikanyire muno. Abakazi abarukwahura sente omu buleega rundi abasaija abarukwahura sente omu sokisi bali ha butendebeke bw'amaani obw'okukwatwa oburwaire bw'orususu nk'ebisuni, ebisaababa, amazomba hamu n'ebirwaire ebindi ebirukuturra.

Abantu abatungire endwara zinu baingi tibakamanyire nambere zikuruga kandi abamu n'okufa bafiire batatungire bujanjabi. Leka tumanye

emiringo ehikire ey'okukwatiramu sente nukwo naitwe tutatunga ekookoro egi. Omukugu ondi akagamba ngu abantu b'omu byaro baine emiringo nyingi muno ei baahurramu sente kandi kinu nikisiisa omutindo gwa sente. Banka ya Uganda yaakugondeze kuteekaho omulingo omurungi gw'okulindiramu sente baitu abantu abaingi tibakahikire ha rulengo rw'okugura ebintu obu nibasasuza kaada rundi eza ha masimu ekintu ekikyaleesereho kucwekaho oburwaire.

Ebikaguzo

- (a) Omu ihanga Uganda abantu sente bazikozeseze omu miringo etahikire ekirugiremu akabi kaingi. Yoleka embaganiza enyakuli hagati y'enkwata ya sente omu bantu abatakakugukire hamu n'abakugu.
- (b) Endwaire nyingi ikanyire omu kicweka ky'owaanyu ezikuruga omu nkata mbi ya sente. Abakuru kuruga omu maahurro ga sente omu Nyamasaza yaanyu nibarabamu nibaserra emiringo ehikire erukusobora kutekebwoh kurora baakeehya oburwaire bunu oburukujanjarra kuraba omu sente. Ohikiriirwe abantu banu baakusaba kuha enteekereza yaawe. Soborra ensonga zaawe.
- (c) Omu kicweka kyanyu abantu abamu barwaire oburwaire obutali bumu na bumu n'obugambirweho omu kihandiiko eki. Oihireho oburwaire obukujanjazibwa sente, soborraaho ebintu ebindi ebirukuleetereza oburwaire hamu n'oburwaire obu.
- (d) Omunyorero Batalingaya ayahura sente omu nju ye kandi obu aba naagenda sente aiteeka omu sokisi. Kiro kimu akatunga omuhanda gwa bwango bwango yayebwa sente ze omu nju atarukumanya naamarayo ebiro bingaha. Abasuma bakacwa enju ye baiba sente ezo. Hanyuma y'okumanya ebyagweriire omunyorero Batalingaya oyehuliire ota?

EKICWEKA B **(Kwehangahanga)**

Kinu

3. Omu Bunyoro na Tooro omusigazi obu akura asemeriire atunge omukazi. Omusigazi w'emyaka abiri na mukaaga acwiremu kuswera omukazi baitu obu n'omukaikuru agambiire ise hamu na mukuru w'oruganda rwe, basangire ngu omwisiki ogu w'oruganda rwabo kandi kinu nikizira omu Banyoro hamu n'Abatooro. Obu bagambiire omusigazi onu yayanga kuhuliiriza abakuru kandi yacwamu kugumizaamu kuswera omukazi ogu hanyuma yacwamu kuruga omu ruganda.

Omulimo: Handiika noosagika rundi noohakaniza encwamu y'omusigazi ogu.
(*Kozesa ebigambo nga 400*)

Rundi

4. Omu Banyoro n'Abatooro kwiha ira baali bamayirwe nk'abantu abalinda amagana habw'emigaso yago n'ekitinisa ky'eka. Abaana n'abaijukuru abasigaire omu bigere by'abaisenkuru bo tibakukitwara nk'ekyomugaso. Amagana bagalekere gaahwaho omu maka agarukukira obwingi kandi kinu kiri kimu ha bintu ebirukumaraho ebyobuhangwa n'ekitiinisa kya Bunyoro na Tooro. Ha kiro ky'empango Kaaruziika, emyenda ekaijukibwa ha nsonga y'okulinda amagana. Bakabeekambisa kugarraho amagana.

Omulimo: Iwe nk'omuntu anyakumanyire eby'endolerra y'amagana kandi ou yabaire ha mukoro ogu. Handiika nosoborra emigaso n'ebirungi by'amagana.
(*Kozesa ebigambo nga 400*)